



KERATAN AKHBAR

SURAT KHABAR	:	SINAR HARIAN		
TARIKH	:	23/10/2019	MUKA SURAT	: 37
JABATAN	:	JMG		
KLASIFIKASI	:	PERHATIAN		

Ekspedisi cari fosil di Terengganu

KUALA TERENGGANU – Penemuan fosil tumbuhan berusia kira-kira 300 juta tahun di Paya Peda, Besut dan beberapa fosil lain di sini menjadikan Terengganu sebagai lokasi menarik untuk diteroka oleh ahli geosains.

Atas sebab itu, Universiti Malaysia Terengganu (UMT) dan Jabatan Mineral dan Geosains (JMG) bekerjasama menganjurkan Ekspedisi Memburu Fosil Marin selama empat hari bermula 19 Januari depan di beberapa lokasi di Terengganu.

Naib Canselor UMT, Prof Datuk Dr Nor Aieni Mokhtar berkata, program itu julung kali diadakan dan pemilihan Terengganu sebagai lokasi bertepatan dengan negeri ini yang kaya dengan sisa fosil purba dan keba-



Nor Aieni (dua dari kanan) menerima fosil tumbuhan berusia kira-kira 300 juta tahun yang disumbangkan JMG semalam.

nyakan daripadanya adalah fosil marin.

Menurutnya, dianggarkan 60 peserta termasuk 35 pelajar Ijazah Sarjana Muda Geosains Marin UMT dan pakar geologi luar negara akan menyertai ekspedisi itu.

“Ekspedisi yang juga dibuka kepada orang awam diadakan untuk memberi pendedahan kepada pelajar teknik-teknik betul dalam bidang geosains terutama pemetaan fosil,” katanya di sini semalam.